

上海市中医文献研究館丛刊

癰閉專輯

上海市中医文献研究館 編



引 言

小水不通內經称为淋閉及癰閉。是当詳审。夫水之源出于肺。故曰水出高原也。其道由于三焦。故經曰。三焦者决瀆之官。水道出焉。其藏在于膀胱。膀胱者州都之官。津液藏焉。气化則能出矣。可見小便之通与不通。全在气之化与不化。然其原因不一。有虛有实。有寒有热。有属于气分者。有属于血分者。有因于痰湿者。有因于敗精者。临床审症时。必須持以慎重。稍涉疏忽。即成錯誤。甚或至于不救。社会群众。对于此症。不知注意。往往因循自誤。而我同道們。因經常不甚多見此症。亦少精心研究。以此最危最急之症。未予重視。殊为遺憾。間尝檢校陈編。知我祖国先賢对于是症。早有翔实之立論。丰富之經驗。載諸冊籍。尽有发掘之材料。我館同仁。不揣庸愚。溫故之暇。爰輯本刊。介紹我同道者参考研究。故首先引証經典。次录前賢論粹和各家医案及适应方剂。末附本館同仁临証經驗心得。惟以聞見粗疏。采擷狹隘。仅作一些审証用藥之規格。用供參酌。經云虛者补之。实者泻之。寒者溫之。热者清之。此人人所知也。但有因气实下陷。結于膀胱者。須用利气之藥以探吐之。或因气虛下陷。升降不利。当用补中益气以探吐之。或因气实血虛。閉而不通。当用四物湯以探吐之。或因热閉气逆。須用大分清飲探吐之。或因痰气逆滯。須用二陈湯探吐之。所謂上通則下达。气升則水降。又如大小便俱不通者。当通其大便。則小便自通。宜用八正散之类。又如无阳則阴无以生。无阴則阳无以化。則东垣之滋腎丸。适合阴阳交泰之义。又如肺燥而水源不化。当潤肺以滋化源。脾湿而不能散精。則当燥湿健脾。以助生化之机。此外如妇人妊

振有水气。身重小便不利。当用葵子茯苓散。及妇人杂病。飲食如故。煩热倚息。名曰轉胞。不得溺。当用肾气丸等等。凡此种种。均是我祖国宝貴之学理經驗。苟能經常研討。則临床审症时。可以触类旁通。应付裕如矣。語曰。先民有言。詢于芻蕘。区区之愚。惟海內賢达有以教之为幸。

上海市中医文献研究館

凡 例

本館就流行普遍的病症。分別發行專輯。書中內容。系參酌我國醫經論述。歷代名醫學說。古今醫案成方單方和外治各法。并結合本館同仁臨床經驗心得。綜合編成。醫務工作者。手此一編。不但可省參閱醫籍之煩。并可供臨床治療之助。似于臨症上不無裨益。

本書內容分經典。前賢論粹。各家醫案。適應方劑。簡便單方。館員心得六項。

(一)經典。包括素靈兩經、傷寒論、金匱要略而言。

(二)前賢論粹。包括巢氏病源、千金方、千金翼方、外台秘要等書。其宋元以後名家學說。并皆擇尤采錄。

(三)各家醫案。包括古今名醫診治醫案而言。

(四)適應方劑。包括古今成方適應病情者。

(五)簡便單方。包括今古一般實驗單方。

(六)館員心得。此次本館館員應征稿件。間多可采。附列于后。用備參酌。

本書主要系交流經驗。兼供醫務人員參考之用。希望國內賢達。本愛護祖國醫學遺產精神。以積極慎重態度。研究試驗。証實療效。借便推廣。

本書成于倉卒。兼以本館同仁識見謬陋。無論形式內容。都免不了很多缺點。希望醫界同仁。提出批評指導。以便改進今後工作。

前言

为了繼承發揚老年中醫師的豐富經驗，整理發揚祖國醫學，在黨的領導下，本市于一九五六年七月成立了“上海市中醫文獻研究館”，聘請了四十多位學識經驗豐富的老年中醫師為館員，九位青年中醫師為助理館員作老年中醫師的助手。文獻研究館的任務是專門總結老年中醫師豐富的臨床經驗、整理研究歷代中醫文獻與各家學說。

在黨的中醫政策的鼓舞下，全體館員都老當益壯、干劲十足、積極認真的從事了中醫文獻的整理編寫工作，總結編寫了本人的臨床治病心得和經驗。許多館員并貢獻了自己的藏書達三千余冊。

整風運動以來，在全國工農業生產和文教衛生事業大躍進的新形勢影響下，中醫文獻整理研究工作也有了很大的躍進。兩年多來館員們先後整理編寫了“中國歷代醫史”、“內經”、“難經”、“神農本草經”、“金匱要略”、“外科輯要”、“選方分類略解”等初稿，同時編輯了“驗方選錄”、“腫脹”、“哮喘”、“癰閉”等專輯，并重纂了“包氏喉証家寶”等書。這些專輯和選錄，內容極為豐富，都是從中醫經典著作、歷代的名家學說、醫案、醫話中經過分析、擷菁摘要加以選錄并結合了館員們——文獻研究館的老年中醫師們，幾十年臨床經驗心得而寫成的專著，內容非常豐富寶貴，作為教學和臨床研究的參考資料有很重大的價值。為了及時提供各方面參考，特先將“腫脹”、“哮喘”、“癰閉”專輯以及“驗方選錄”、“重纂包氏喉証家寶”五種稿本委托上海科技衛生出版社出版，其他已整理編寫出來的資料，將陸續委托上海科技衛生出版社出版。

上海市衛生局 1958年11月

目 录

引言

凡例

(一)經典	1
(二)前賢論粹	3
(三)各家医案	20
(四)适应方剂	30
(五)簡便单方	39
(六)館員心得	41

癰 閉 專 輯

(一) 經 典

內 經 素 問

靈蘭秘典論 膀胱者州都之官。津液藏焉。气化則能出矣。又曰。三焦者決瀆之官。水道出焉。

宣明五氣論 五氣所病。膀胱不利為癰。不約為遺溺。

氣厥論 胞移熱于膀胱。則癰溺血。

標本病傳論 膀胱病。小便閉。

五常政大論 涸流之紀。其病癰閼。邪傷腎也。

六元正紀大論 陽明司天之政。民病振栗癰閼。

生氣通天論 陽不勝其陰。則五藏氣爭。九竅不通。

至真要大論 太陽之勝。隱曲不利。歲太陰在泉。少腹痛腫。不得小便。

玉機真藏論 脾為孤藏中央土。以灌四傍。太過則四肢不舉。不及則令人九竅不通。

厥論 厥陰之厥。則少腹腫痛、腹脹、溼洩不利、好臥、屈膝、陰縮腫、脣內熱。

痺論 腸痺者。數飲而出不得。又曰。胞痺者。少腹膀胱。按之內痛。若沃以湯。涩于小便。上為清涕。

標本病傳論 小大不利治其標。

灵 樞 經

本輸篇 三焦手少阳之脉。入絡膀胱。約下焦。实則閉癰。虛則遺溺。遺溺則补之。閉癰則泻之。

經脉篇 肝足厥阴之脉。是主肝所生病者。狐疝。遺溺。閉癰。又曰。足少阴之別。名曰大鍾。实則閉癰。

五癯津液別篇 水谷入于口。輸于腸胃。其液別为五。天寒衣薄則为溺与气。天热衣厚則为汗。悲哀气并則为泣。中热胃緩則为唾。邪气內逆。則气为之閉塞而不通。

脹論篇 膀胱脹者。少腹滿而气癰。

本藏篇 腎合三焦膀胱。又謂小腹肿痛。不得小便。邪在三焦約也。

五味篇 酸走筋。多食之令人癰。又曰。酸入于胃。其气涩以收。上之兩焦。弗能出入也。不出。即留于胃中。胃中和溫則下注膀胱。膀胱之胞薄以懦。得酸則縮絙。約而不通。水道不行故癰。

口問篇 中气不足。溲便为之变。

邪气藏腑病形篇 腎脉微急。为沉厥、奔豚、足不收、不得前后。

热病篇 癰取之阴譙及三毛上及血絡出血。

緒始篇 內閉不得溲。刺足少阴。太阳。与臍上以长針。

金 匱 要 略(汉張仲景)

消渴小便不利淋病門 小便不利者。有水气。其人若渴。栝蒌瞿麦丸主之。

小便不利。蒲灰散主之。滑石白魚散亦主之。茯苓戎盐湯并主之。

五藏风寒积聚病門 热在下焦者。則尿血。亦令淋閉。

妇人妊娠病門 妊娠有水气。身重、小便不利、洒淅恶寒、起即头眩。葵子茯苓散主之。

妇人少腹滿如敦狀。小便微難而不渴。生后者。此为水与血俱积在血室也。大黃甘遂湯主之。

問曰。妇人病。飲食如故。煩熱不得臥。而反倚息者何也。師曰。此名轉胞。不得溺也。以胞系了戾。故致此病。但当利小便則愈。腎气丸主之。妊娠小便難。飲食如故。以当归貝母苦參丸主之。

(二) 前賢論粹

巢氏病源(隋巢元方)

小便不通候(卷十四)

小便不通。由膀胱与腎俱有热故也。腎主水。膀胱为津液之府。此二經为表里。而水行于小腸。入胞者为小便。腎与膀胱既热。热入于胞。热气大盛。故結滯。令小便不通。小腹脹滿。气急甚者。水气上逆。令心急腹滿。乃至死。診其脉紧而滑直者。不得小便也。

妇人杂病諸候 小便不通候(卷四十)

水行于小腸。入胞为小便。腎与膀胱俱主水。此二經为藏府。若内生大热。热气入小腸及胞。胞内热。故小便不通。令小腹脹滿。气喘急也。

妊娠小便不通候(卷四十二)

小腸有热。热入于胞内。热結甚者。故小便不通。則心脇小腸俱滿。气喘急也。

产后小便不通候(卷四十四)

小腸本挾瘀熱。因產水血俱下。津液竭燥。胞內熱結。則小便不通也。然胞轉則小腹脹滿。氣急絞痛。若虛熱津液竭燥者。則不甚脹急。但不通。津液生。氣和則小便也。

小兒雜病 小便不通利候(卷四十九)

小便不通利者。腎與膀胱熱故也。此二經為表里。俱主水。水行于小腸。入胞為小便。熱氣在其藏府。水氣則澀。故小便不通利也。

解散小便不通候(卷六)

夫服散石者。石勢歸于腎。而內生熱。熱結小腸。胞內否澀。故小便不通。

解散大小便難候

積服散。散勢盛在內。熱氣乘于大小腸。大小腸否澀。故大小便難也。

虛勞小便難候(卷四)

膀胱津液之府。腎主水。二經共為表里。水行于小腸。入于胞而為溲便。今胞內有客熱。熱則水液澀。故小便難。

傷寒小便不通候(卷八)

傷寒發汗後。而汗出不止。津液少。胃內極干。小腸有伏熱。故小便不通。

時氣小便不通候(卷九)

此由汗後。津液虛少。其人小腸有伏熱。故小便不通也。

熱病小便不通候(卷九)

熱在膀胱。流于小腸。熱盛則脾胃干。津液少。故小便不通也。

溫病小便不通候(卷十)

發汗後。津液少。膀胱有結熱。移入于小腸。故小便不通也。

千金方(唐孙思邈)(附衍义,清張璐)

补腎第八(卷十九)

〔衍义〕 腎瀝者腎中气痹不化。水道滴瀝不通。多由醉飽房勞。酒湿流著髓藏。或精泄后风气入犯胞中。遂成胞痹之患。甚則結块。阻塞廷孔之端。溺时艰苦万状。或坐热湯中。借暖气以通气化。或蹲踞而溺。松其約束以通其竅。始得涩化而出。增損腎瀝湯主之。

膀胱脉論第一(卷二十)

膀胱病者。小腹偏腫而痛。以手按之。則欲小便而不得。肩上热。若脉陷。及足小趾外側及脛踝后皆热。若脉陷。取委中。

膀胱虛實第二 膀胱实热

左手尺中神門以后脉阳实者。手太阳經也。病苦逆滿、腰痛、不可俯仰。勞也。名曰膀胱实热也。

右手尺中神門以后脉阳实者。手太阳經也。病苦胞轉不得小便、头眩痛、煩滿、脊背强。名曰膀胱实热也。

蘭室秘藏(元李东垣)

小便淋閉論(卷下)

難經云。病有关有格。关則不得小便。又云。关无出之謂。皆邪热为病也。分在气在血而治之。以渴与不渴而辨之。如渴而小便不利者。是热在上焦肺之分。故渴而小便不利也。夫小便者。是足太阳膀胱經所主也。长生于申。申者西方金也。肺合生水。若肺中有热。不能生水。是絕其水之源。經云。虛則补其母。宜清肺而滋其化源也。故当从肺之分。助其秋令。水自生焉。又如雨如露如霜。皆从天而降下也。乃阳中之阴。明秋气自天而降下也。且药有气之薄者。

乃阳中之阴。是感秋清肃杀之气而生。可以补肺之不足。淡味渗泄之药是也。茯苓、泽泻、琥珀、灯心、通草、车前子、木通、瞿麦、菖蒲之类以清肺之气。泄其火。资水之上源也。如不渴而小便不通者。热在下焦血分。故不渴而大便燥小便不通也。热闭于下焦者。肾也。膀胱也。乃阴中之阴。阴受热邪。闭塞其流。易上老云。寒在胸中。遏绝不入。热在下焦。填塞不便。须用感北方寒水之化。气味俱阴之药。以除其热。泄其闭塞。内经云。无阳则阴无以生。无阴则阳无以化。若服渗淡之药。其性乃阳中之阴。非纯阳之剂。阳无以化。何能补重阴之不足也。须用感地之水运而生大苦之味。感天之寒药而生大寒之气。此气味俱阴。乃阴中之阴也。大寒之气入稟之生膀胱。寒水之运入感之生肾。此药能补肾与膀胱。受阳中之阳。热火之邪。而闭其下焦。使小便不通也。夫用大苦寒之药。治法当寒因热用。又云。必伏其所主而先其所因。其始则气同。其终则气异也。

丹溪心法(元朱震亨)

小便不通五十六(卷十一)

小便不通有气虚。血虚。有痰。风闭。实热。气虚用参芪升麻等先服后吐。或参芪药中探吐之。血虚四物汤先服后吐或芎归汤中探吐亦可。痰多二陈汤先服后吐。以上皆用探吐。若痰气闭塞。二陈汤加木通一作木香香附探吐之。以提其气。气升则水自降下。盖气承载其水也。有实热者。当利之。砂糖汤调牵牛末二三分或山梔之类。有热有湿有气结于下。宜清宜燥宜升。有孕之妇。多患小便不通。胞被胎压下故也。转胞用四物汤加参、朮、半夏、陈皮、甘草、姜、枣煎汤。空心服。一妇人脾疼后患大小便不通。此是痰隔中焦。气滞于下焦。以二陈汤加木通。初吃后煎渣吐之。

湖洞集(元王履)

小便原委論

或問余曰。靈樞經曰。水谷者。常并居胃中。成糟粕。而俱下于大腸。而成下焦。滲而俱下。泌別汁。循下焦。而滲入膀胱焉。王冰曰。水液自回腸泌別汁。滲入膀胱之中胞。气化之而为溺。以泄出也。楊介云。水谷自小腸盛受于闕門以分別也。其水則滲灌入于膀胱上口而为溲便。詳以上三說。則小便卽泌別之水液。滲入膀胱以出者也。素問則曰。飲入于胃。游溢精气。上輸于脾。脾氣散精。上歸于肺。通調水道。下輸膀胱。則小便又似水飲精微之氣。上升脾肺運化而后成者也。彼此不同。將何所凭乎。余曰。凭夫理耳。且夫溲溺者。果何物耶。水而已矣。水之下流。其性則然也。故飲入于胃。其精氣雖上升。其飲之本。固不能上升。體也。既不能上升。則豈可謂小便獨为气化所成者哉。惟其不能上升。必有待于能上升者为之先導。故素問又曰。膀胱者。津液藏焉。气化則能出矣。且水者氣之子。氣者水之母。氣行則水行。氣滯則水滯。或者又謂小便純由泌別。不由運化。蓋不明此理故也。雖然。膀胱固曰津液之府。至于受盛津液。則又有胞而居膀胱之中焉。故素問曰。胞移熱于膀胱。靈樞經曰。膀胱之胞薄以懦。類纂曰。膀胱者胞之室。且夫胞之居于膀胱也。有上口而无下口。津液既盛于胞。无由自出。必因乎气化而后能漸浸潤于胞外。積于胞下之空處。遂为溺。以出于前阴也。素問所謂膀胱津液藏焉者。蓋舉膀胱以該胞也。若曰胞下无空處。則人溺急時至廁。安能卽出乎。夫惟積滿胞下空處。而不可再容。故急。急則至廁卽出矣。或言胞有下口而无上口。或言胞上下皆有口。或言胞有小窍而为注泄之路。不亦妄歟。

証治准繩(明王肯堂)

小便不通(卷六)

丹溪大法。小便不通。有熱有濕有氣結于下。宜清、宜燥、宜升。有隔二隔三之治。如因肺燥不能生水則清金。此隔二。如不因肺燥。但膀胱有熱。則宜瀉膀胱。此正治也。如因脾濕不運而精不升。故肺不能生水。則當燥脾健胃。此隔三。車前子、茯苓清肺也。黃柏、知母瀉膀胱也。蒼朮、白朮健胃燥脾也。衛生寶鑑小便不利有三。不可一概而論。若津液偏滲于腸胃。大便泄瀉。而小便澀少。一也。宜分利而已。若熱搏下焦津液。則熱濕不行。二也。必滲泄則愈。若脾胃氣澀。不能通調水道。下輸膀胱而化者。三也。可順氣。令施化而出也。東垣大法。小便不通。皆邪熱為病。分在氣在血而治之。以渴與不渴而辨之。如渴而不利者。熱在上焦肺分故也。夫小便者是足太陽膀胱經所主也。肺合生水。若肺熱不能生水。是絕其水之源。經云。虛則補其母。宜清肺而滋其化源。故當從肺之分助其秋令。水自生焉。又如雨如霧如霜。皆從天而降下也。且藥有氣之薄者。乃陽中之陰。是感秋令肅殺之氣而生。可以補肺之不足。淡味滲泄之藥是也。茯苓、澤瀉、琥珀、灯心、通草、車前子、木通、瞿麥、篇蓄之類以清肺之氣泄其火。滋水之上源也。如不渴而小便不通者。熱在下焦血分。故不渴而小便不通也。熱閉于下焦者。腎也。膀胱也。乃陰中之陰。陰受熱邪。閉塞其流。內經云。無陽則陰無以生。無陰則陽無以化。若服淡滲之藥。其性乃陽中之陰。非純陰之劑。陽無以化。何以補重陰之不足也。須用感地之水運而生大苦之味。感天之寒氣而生大寒之藥。此氣味俱陰。乃陰中之陰也。大寒之氣。人感之生膀胱。寒水之運。人感之生腎。此藥能補腎與膀胱。受陽中之

阳。热火之邪。而閉其下焦。使小便不通也。夫用大苦寒之药。治法当寒因热用。又云。必伏其所主。而先其所因。其始则气同。其终则气异也。如热在上焦。以梔子、黄芩。热在中焦。以黄连、芍药。热在下焦以黄柏。热在气分。渴而小便閉。清肺散、猪苓湯、五苓散、茯苓琥珀湯、紅朮散。热在血分。不渴而小便閉。滋腎丸、黄连丸、导气除燥湯。东垣治一人小便不利。目睛突出。腹脹如鼓。膝以上坚硬。皮肤欲裂。飲食不下。服甘淡滲泄之药皆不效。曰。疾急矣。非精思不能处。思之半夜。曰。吾得之矣。經云。膀胱者津液之府。必气化而能出焉。多服淡滲之药而病益甚。是气不化也。启玄子云。无阳则阴无以生。无阴则阳无以化。甘淡气薄皆阳药。独阳无阴。欲化得乎。遂以滋腎丸群阴之剂投服。再服即愈。渴而腹冷。水气也。金匱云。小便不利者。有水气。其人苦渴。栝蒌瞿麦丸主之。以小便利腹中温为度。小便不通、腹下痛、状如复碗、痛悶难忍者。乃腸胃干涸。臌中气不下。經云。膀胱者州都之官。津液藏焉。气化则能出矣。臌中者臣使之官。三焦相火。腎为气海也。王注曰。膀胱精液之府。胞內居之。少腹处間毛內藏胞器。若得气海之气施化。则溲便注下。气海之气不及。则隱秘不通。故不得便利也。先用木香、沉香各三錢酒調下。或八正散。甚则上涌之令气通达。便自通利。經所謂病在下上取之。王注曰。热攻于上。不利于下。气盛于上。则温辛散之。苦以利之。一方煎橘紅茯苓湯調木香、沉香末服之。空心下。丹溪云。小便不通属气虛血虛。有实热痰气閉塞。皆宜吐之以提其气。气升则水自降。盖气承载其水者也。气虛。用参、朮、升麻等。先服后吐。或就参芪药中調理吐之。血虛。用四物湯先服后吐。或就芎归湯探吐之。痰多。二陈湯先服后探吐之。痰气閉塞。二陈加香附、木通探吐之。实热。当利之。

或用八正散。盖大便动则小便自通矣。或問以吐法通小便。方論中未嘗有之。理將安在。曰。取其气化而已。何則。內經謂三焦者。決瀆之官。水道出焉。膀胱者。州都之官。津液藏焉。气化則能出矣。故上中下三焦之氣。有一不化。則不得如決瀆之水而出矣。豈獨下焦膀胱氣塞而已哉。上焦肺者。主行榮衛。通調水道。下輸膀胱。而腎之合足。三焦下輸又上達肺。此豈非小便从上焦之氣化者乎。張仲景有言。衛氣行。則小便宜通。其義亦在是矣。內經又謂脾病則九竅不通。小便不利。是其一也。此豈非小便从中焦之氣化者乎。由是言之。三焦所傷之邪不一。氣之變化無窮。故當隨處治邪行水。求其氣化。亦無窮也。然而大要在乎陰與陽。無相偏負。然後氣得以化。若方盛衰論曰。至陰虛。天氣絕。至陽盛。地氣不足。夫腎肝在下。地道也。心肺在上。天道也。脾胃居中。氣交之分也。故天之陽絕而不交于地者。尚且白霧不下。況人同乎天。其在上之陽不交于陰。則在下之陰。無以為化。而水道其能出乎。東垣引八十一難經謂。有陰陽相乘。有復有溢而為內關。不得小便者。有或在下之陰虛在上之陽盛。不務其德而乘之。致腎氣之不化者。必瀉其陽而舉之。則陰可得而平也。若此條所叙之証。皆用吐法。蓋因氣道閉塞。升降不前者而用耳。何嘗舍眾法而獨施是哉。丹溪嘗曰。吾以吐通小便。譬為滴水之器。上竅閉。則下竅無以自通。必上竅開。而下竅之水出焉。予嘗推是開竅之法。用之多驗。姑書一二証以明之。甲午秋。治一婦人。年五十。初患小便澀。醫以八正散等劑。輾轉小便不通。身如芒刺加于體。予以所感霖淫雨濕。邪尚在表。因用蒼朮為君。附子佐之。發其表。一服即汗。小便即時便通。又治馬參政父年八旬。初患小便短澀。因服葯分利太過。遂致閉塞。涓滴不出。予以飲食太過。傷其胃氣。陷于

下焦。用补中益气湯一服。小便通。因先多利药損其肾气。遂致通后遺尿一夜不止。急补其肾。然后已。凡医之治是証。未有不用泄利之剂者。安能顧其肾气之虛哉。表而出之以为世戒。有瘀血而小便閉者。宜多用牛膝。本事方云。頃在毗陵有一貴官妻妾。小便不通。臍腹脹痛不可忍。众医皆作淋治。如八正散之类。数种皆治不通。病愈甚。予診之曰。此血瘀也。非瞋眩药不可去。乃用桃仁煎。初服至日午。大痛不可忍。臥少頃。下血块如拳者数枚。小便如黑豆汁一二升。痛止得愈。此药猛峻。气虛血弱者。宜斟酌之。大抵小腹痛脹如复碗者为实。亦分在气在血。气壅塞于下者。木香流气飲。血污于下者。桃仁煎代抵当丸牛膝膏。經曰。肾合膀胱。膀胱者津液之府也。小腸属肾。肾上連肺。故将两藏。三焦者中瀆之府也。水液出焉。是属膀胱。乃肾之府也。又云。膀胱者州都之官。津液藏焉。气化則能出矣。由是言之。膀胱藏水。三焦出水。治小便不利。故刺灸法。但取三焦穴。不取膀胱也。小腸属肾肺。故东垣用清肺飲子滋肾丸利小便也。

运气小便不利者有三。其一属湿邪攻三焦。經云。太阴在泉。湿淫所胜。病小腹痛肿。不得小便。又云。水不及曰涸流。涸流之紀。上宮与正宮同其病。癰閉是也。其二属风邪攻脾。經云。厥阴司天。风淫所胜。病溇泄泄。水閉是也。其三属燥热。經云。阳明司天之政。天气急。地气明。民病癰閉。初之气其病小便黃赤。甚則淋。又云。少阴司天之政。地气肃。天气明。二之气。其病淋是也。良法治小便不通。諸药不效。或轉胞至死危困。用猪尿胞一个。底头出一小眼子。翎筒通过放在眼儿內。根底以細綫系定。翎筒子口細杖子堵定。上用黃蜡封尿胞口。吹滿气七分。系定了。再用手捻定翎筒根头。放了黃蜡。塞其翎筒。在小便出里头。